



南郭先生文集

二編
自三至四

全載十四冊詩

特別
~20
3564
8



八二〇
三五八
八



南郭先生文集二編卷之三



兒玉少介
藏書之記

平安 服元喬子遷著

東都 源君嶽 輯校

五言律

早春送別

衰年驚物候，此別况相違。
新歲仍征馬，餘寒薄客衣。
邊城春雪返，古驛暖烟稀。
不分北歸雁，今朝隨爾飛。

新霽寄人

開窗新霽好，不復畏寒威。
城鼓乾清響，簾鈎上靄輝。

南郭先生文集二編卷之三
新霽寄人

58-2176

興來移午枕，病起試春衣。明日出幽谷，還求黃鳥飛。

災後賃居西窪地甚陋惡戲作遣悶

民居因澗道，撲地鑿空間。危樹牆東岸，頽沙屋後山。
無家容病膝，何處破愁顏。曲折鹽車坂，時同羸馬還。

寓居

四十五，生涯于今不作家。妻兒憐爾窶，衣食任人賒。
腸斷門前柳，眸驚客裡花。歸田心折盡，夢寐亦應遐。

梅雨二首

草堂雲霧裡，暝色坐來愁。暗長雨中樹，潛添檻外流。

簷梅傳雷落，巢燕護兒休。未必怒皮相，蕭蕭五月裘。
雨裡舊山河，冥冥日月過。暫揚朝隰惡，更惹晚雲多。
徑色重青草，庭陰暗綠柯。泥塗無客問，獨作子桑歌。

九日答人贈酒

衰病三秋色，風霜九日寒。尚憐黃菊酒，堪比紫金丹。
籬下故人贈，樽前使我驩。便應開一飲，不必登高看。

擁爐

幽獨擁爐坐，無由意緒寬。短燈空耿耿，長夜更漫漫。
病損閑中趣，憂多老後看。曉灰吹不起，終與片心寒。

野遊五首

城郭少幽賞，還求郊甸春。三飡應易飽，斗酒未全貧。
移步山河出，入看花木新。共憐林鳥性，隨意弄芳辰。
佳麗二三月，驪山凝艷陽。名園占野色，上路控城傍。
拾翠良家女，鳴鞭何處郎。學人還自怪，白首逐春芳。
社樹帶流水，風前想浴沂。日停遲午席，花點暖春衣。
轉愛酒中趣，寧知醉裡非。明朝仍伏枕，此興亦應稀。
野岸桃花水，河堤柳絮風。病忘行脚澁，狂任醉顏紅。
迴徑樹相引，斷橋途或窮。步兵何必哭，林下伴諸公。

雜還都人士餘，酣處處攜。松門多駐馬，花寺自成蹊。
山野還禽鳥，鄜居傍犬鷄。歸程如隔日，回望暮雲迷。

市井二首

市井苦湫隘，應緣拙卜隣。丘園何日隱，羈旅舊時貧。
板屋徒聽雨，旗亭看送春。城頭車馬地，無處避埃塵。
九市紅塵合，四隣蒼樹稀。只憐壚酒熟，可買肆魚肥。
幽討事難愜，勝遊心或違。江湖天地滿，神志漫翻飛。

義全師西遊寓獅子谷賦寄

深山人不識，獨坐憶眠龍。風吼狻猊谷，雲迎鷓鴣峯。

南亭集 卷之二
現身知自在，滅跡謝相逢。未報東歸日，三年奈偃松。
泛舟餘興賦贈縣次公五首

都會泛江興，樓船第一名。因君兼酒饌，使我覓蓬瀛。
潮際送初日，海門涵太清。穩流隨意好，只覺揚舲輕。
牛渚有嘉賓，停橈迎水濱。酒船供膾炙，漁艇怪綸巾。
笙鼓兩三箇，冠童六七人。同遊心不繫，無復問前津。
荒院牛頭出，通津駒蹟深。中流移午日，晚樹入秋陰。
淵動游魚曲，沙飛別鶴琴。不須紅粉伎，山水響清音。
潮頭回畫舫，向夜各相分。青雀還將下，白鷗無復羣。

酒吾仍縱飲，詩自屬能文。七月正三五，清光總爲君。
岸近驚相視，幽期無限情。大江流未盡，斜漢夜將傾。
忽似天邊落，重尋人跡行。乘槎空髣髴，歸到問君平。

送獨雄師還信州二首

日落武昌城南樓，別望卿錫隨黃鶴。去經載白牛行，
此地已秋色。何山無月明，夜來相照處。知我送君情，
信中來復往。何事疲津梁，初地入西野。彌天連胡方，
只憑秋雁近。漫望北書長，聞說寒偏早。歸時慎雨霜，
薩人日高翁七十。初度或見屬，以和歌題題。

南亭集一編 卷之三
已不可入詩。惟翁壯遊諸州，又知古禮善和歌。時秉藩職于東都，因賦海鶴篇為壽。

海上老僊鶴，飛來清響聞。羽儀羣侶迫，骨相壽朋分。已試十洲，翩還凌萬里。雲共知棲紫府，瑞氣飽氛氲。

新涼

新涼侵枕簟，舊渴愛階除。蟬響樹陰落，蟲鳴草色餘。氣蘄三伏後，感至九秋初。不關歸意切，把酒憶鱸魚。

中秋集友人宅二首

南樓今夜月，已自倚江山。歌舞誰家起，酒杯斯處閒。

玲瓏相照影，咫尺不違顏。天上懸終夕，應窺我輩間。此興應同醉，舉杯屬月明。玉盤寒愈逼，銀燭影難爭。詩縱探珠色，隱憐攀桂情。可知僊侶子，共謫在人生。

九日登高

登臺偏縱目，載酒聊披襟。函嶺西關盡，總州東海深。雖同泛菊興，難慰望鄉心。無那秋風落，蕭蕭送雁音。

暮秋遊山寺二首

搖落尋山寺，前溪霜露催。苔橋過客斷，松道老僧來。弄葉行攀樹，聽經更上臺。便應窺色相，其奈晚秋哀。

不關雙樹慘林，怪自凋枯。徑露瘦黃菊，天風疎碧梧。
山寒餘菓落，殿冷暗燈孤。鐘磬偏秋氣，轉令塵外殊。

冬初宴城南莊二首

名園門徑異，不用問隣翁。竹照千竿碧，山明十月紅。
風烟供地主，泉石代天工。晷短餘幽興，貪看難可窮。
杯香新黍酒，山響古桐琴。大嶽迎樓日，小春開野陰。
不論青白眼，共適主賓心。林下醉中趣，堪傳正始音。

訪萬公芙蓉軒得十灰

海上訪禪窟，別廬方丈開。林間分落葉，徑色入荒苔。

坐對盤龍蟄，食看馴鳥來。出門忘此日，猶傍虛舟回。

訪萬公廬歸戲作奉謝

自過溪上路，回首意蒼茫。尚憶廬山禁，枉容彭澤狂。
燈臨漁火點，月送海潮長。勿謂茶當酒，祇疑味異香。

雲夢越公宅守歲

鐘漏舊年促，歲除今夜看。忽憐椒發酒，且愛室如蘭。
吾黨幸無恙，斯盟喜不寒。好將通夕醉，連賞到春盤。

酬宇士朗春日見寄

尺素相思字，天涯喜不疎。陽春無變調，歲月有盟書。

上國花應好，東山錦自如。此時君且信，吾厭武昌魚。
春夜宴某園亭得殘字

花底耀銀燭，樽前亂玉餐。滿杯搖樹色，久坐入園寒。
百里羣星聚，三春一夜歡。請看將散客，曉月惱人殘。

豐州山生至得綾部君見寄作賦答

東朝戾服客，西信友生詩。徒致相求切，何由再會期。
天涯依落日，海外少來時。幸對山濤飲，未勞交絕疑。
同諸子從伯修遊弘明里莊數日忘歸五首
路從程谷入，四塞別乾坤。翠疊山山樹，烟開處處村。

田園蕪粟里，雞犬古桃源。早已雙青眼，難窮幽興繁。
引主歸田客，攜同探勝人。農談元有趣，幽事自無塵。
隨意行由徑，不勞迷問津。耕夫稍敬愛，應是別莊隣。
素封臨萬戶，厦屋倚千章。憑檻侵空翠，涉園尋暗香。
山平從曳杖，泉淺或褰裳。都下諸公子，將移此意長。
訪寺攀經閣，觀魚上釣樓。林延山色合，江逐海雲流。
村藹近梅雨，疇黃入麥秋。相看吾喪我，真作采真遊。
主人千石酒，旦夕爲賓開。有倦還高枕，無醒且把杯。
一碁王質至，數斗淳于催。醉後驚相問，吾曹幾日來。

春得義海師書及詩二首，冗劇至夏未還，作報師書見賞拙集，過甚聊和二首，并以代書憶昨春潮色東來，送海音爾時堪洗耳，過日更披襟報愧人間澗節驚，僧夏深世塵難掃盡，徒羨薜蘿心玩世寧無似，混塵信有之，敢論金馬隱，謬比玉人悲苦界文章妄名山，日月遲寄言空谷裡，藏拙更依師。

早春游望

日出高臺上，扶桑碧海東。人烟凝淑氣，城樹入春風。得意唯啼鳥，歸心有斷鴻。年光元自好，不為白頭翁。

同君嶽翼之集緣山寮舍得花字賦呈雲洞師

社裡金蓮坐，相驚問結跏。道存忘二典，路熟駐三車。舍比菩提樹，春齊優鉢花。最憐惠休好，未謝入詩家。

又得池字

散步春風苑，不妨吹接羅。二分淨社，二六靜長時。鳥近紛華墜，山遙落日遲。已慚漫乞酒，錯比習家池。

總寧寺晚眺

荒城千仞沒，蕭寺上方開。山斷江帆出，路迴郊樹來。

磬鐘餘鹿野戰伐古鴻臺落日斯時恨臨風起客哀

曉發鎌倉

偏愛鎌倉曉荒烟遠市朝山星留靄氣海月送殘宵
西路心還折東關身未送儻從禽尚侶重更問漁樵

山寺避暑

除煩尋古寺避暑愛幽林丘壑濕空翠杉松冷午陰
人間三伏日僧社六時心鐘磬隨風落堪觀世外音

月下懷友

幽獨高樓上徘徊良夜初山河懷友邈草木盡秋疎

明月含天末清風落太虛遙知玄度興遊處弄琴書

同子和美仲過善公居得花字

善公心不住假諦即為家仍許隣人酒何妨天女花
嶽蓮回望淨野樹傍看斜莫使重來地頓迷三子車

赤水春興三首

前溪繞草堂赤水一湯湯寧匿玄珠色可沈明月光
看山堪獨坐隔岸自相望堤翠占春暖菲菲送夕陽
雖非山澤僻魚鳥日相親石鎮河邊坐草穿沙上春
稍為垂釣客兼似濯纓人何必問舟楫無心要路津

蒿徑紅塵遠柴門白日深
銜杯過半月高枕即中林
久解非莊夢誰論微管心
細看春不背物理入幽襟

春夜對月懷人二首

一日常相憶三春况遠行
各天孤月在此夜百花明
倚檻蟾蜍轉彈琴鴻雁聲
無為勞目送未必達邊城
清夜步空庭懷人酒且醒
花低懸夕月天濶少春星
遊子他鄉宿旅魂何處亭
還思池上草難入夢中青

感秋

子和
新喪

未期搖落候先慘變衰秋
酒有山河感歌添薤露愁

此生傷白髮何處問滄洲
蕭颯淒風色空餘桂樹幽

酈園賞菊得秋字

北海青樽坐南陽黃菊秋
風隨飛蓋馥香為泛杯流
翻載陶家興來從太守游
晚餐方玉食兼有落英幽

歲暮對雪二首

逸興風前雪紛紛倚戶看
使余虛室白賴汝獨杯寬
不復光書色從他映髮寒
草堂開玉樹閑過歲年關
結廬憐此境逕雪掩柴門
不假蓬蒿沒應無車馬喧
皓天依赤水白屋駐黃昏
但惜凝華切難將殘臘存

歲晚集懷僊閣

日月壺中色，僊人閣上歡。坐迴金闕雪，望似玉京寒。
鳧共停雲履，鱸還出水盤。醉顏紅可駐，不作惜年看。

首春病起

已飲寒謝歲，卻恨病經時。草色知春早，林光覺景遲。
尚扶元亮杖，不做仲舒帷。從此成園趣，朝來日可窺。

偶成二首

稍入灌園趣，二年傍此溪。流萍非擇住，巢鳥暫安棲。
山勢陵雲外，水光橋日西。縱令冠蓋過，門巷自應迷。

林谷無相厭，似知吾養閑。終年唯送水，無日不看山。
住杖鯨魚出，倚樓飛鳥還。得爲靜者便，朝夕草廬間。

暮春送吳岑天年二禪歸勢州分得南字

一乘應相照，雙珠返海南。春天連上國，華界入名藍。
禪結山中坐，清留江左談。縱甘淵默跡，難晦二龍潭。

江村晚眺

水煙秋渚近，江樹晚村孤。返照分湖半，殘雲掃海無。
扁舟遇漁釣，一曲入菰蘆。看羨賣魚去，生涯向酒壚。

秋日小集期客多不至

秋雨頻回首窮交未可期何關車轍僻應爲馬蹄遲
江雁避寒夕汀蘭著濕時同心任人少小飲轉相知
暮春集錦江芙蓉樓得心字

樓上開琴酒芙蓉倚百尋高山知己色白雪王人心
渚日雖難晚江春奈易陰猶憐兼石室坐探秘書深
逍遙公子宴奉陪猗蘭疾得疎字

公子逍遙館潭潭大府居蘭臺移宴樂玉樹映階除
坐久人全醉杯行酒不疎酣歌未歸去爲有馮驩魚
高阡朝望

綠海控郊關高阡上路間早潮平吐日殘霧半含山
遠近征帆出東西驛馬班長安從此去萬里幾人還

集飲長藩松浦氏此日寓目侯園

主人從上舍守邸自通家相引窺齊苑忽疑游海涯
臺池棲翠鳥林木靜瓊花更有如澗酒留連到日斜
矢家太孺人八十猶健作寄子復兼代壽詞
和平閑邑治家政亦應全衣自機中錦琴仍堂上絃
西方王母壽南極老人邊兼待太丘長聚星多膝前
早春雪集得歸字

興來招隱客何意叩柴扉未至林芳馥應綠野雪飛
色先春樹發寒後舊年微纔盡椒花酒還羞歌醉歸
集欽懷雲洞師臥病得十一真

共酌忘憂物侵杯五柳新園成栗里趣林愛廬山隣
酒態縱如幻詩篇自有神因驚方丈臥欲起病禪人

春日經赤羽橋

赤羽橋邊柳依依且送行人煙連海驛官道控江城
擁傳誰家客棄繻前日生春風吹馬上不必動離情

寒食新晴

已晴寒食雨佳節會陽春煙火須溫酒風光不負人
客來江草秀鳥近苑花新安保年芳盛明朝未作塵

暮春遊驪山

新林半爲綠古院惜春華連樹歌含石懸泉巧送花
翠微香閣秀繡幕彩雲斜何事探幽處猶聞笙鼓譟

逢俠者

相看游俠窟意氣不須論拔劍寒毛穴試人羶血痕
仇家何處在吾骨至今存緩急君猶記心交有一樽
五日同諸子遊萬公禪房分得雲字二首

空林禪寂地一徑草廬分樹認曾遊色峯添異態雲
終年雖謝客長夏偶論文此會相容久從他世上聞
林稠看鳥集溪斷絕人羣紫翠重爲彩煙霞結作雲
續絲聊免俗解縛此從君猶據朱繩係願長今日曛

銅雀妓

舊宴有銅臺君王安在哉身緣恩幸任心爲歲年摧
歌舞淒風入園陵落日來含情不相語同望暮雲隈

採蓮曲

採蓮多粉黛分渚競繁華已亂珠如露轉憐人似花

水香風色散景媚夕陽斜共載吳娃去扁舟向誰家

夜雨寄人

風雨颯秋城愁眠獨夜情林暝連葉響江近亂濤聲
撫枕青燈落懷人白髮生夢魂如晦恨迷路到雞鳴

五言排律

春臺望

雲物三陽月樓臺萬里春登臨占玉燭熙樂想牢珍
嶽雪餘寒外江霞積水濱山川辭舊色卉木及芳辰
谷鳥喬林轉牆花上苑新中原寧納汗東海不揚塵

第卽連功閥家皆上善隣德如風尚草光與日臨人
俯仰分青令甄陶知大均回看同駘蕩難獻負暄身
哭徂來先生

東周興禮樂西漢待賢良拜冕纔承寵曳裾旋見長
鳳儀人欲附蘭氣客還芳四部章編絕羣言藻翰揚
明時懸日月中壽惜行藏無復嘆梁雉應難辨土羊
張華空博物干將失餘光占夢兩楹上招魂雙淚旁
泣痕思軟血喪會奔盟塲遺愛留門下凶音哭海方
舊章教紙貴雅韻與琴亡墳隴忽春草冢廬偏夕陽

昔期宣室席今入岱宗鄉知是騎箕尾星文照面牆
春夜宴

西園花月夜公子富春光林月迎飛蓋階花勸滿觴
泉清池自照露裛樹增香曲似停雲激歌緣對酒長
三更酣未盡四美苦難常明日縱相會斯遊不可忘

筑前文學春菴竹先生七十壽詩

庚戌之冬

星壽懸天極賓筵想海隅高年兼壽德大國重師儒
雪對齊宮坐杯頌楚醴壺趨庭元子弟侍燕盡生徒
階際芝應秀函崎松不孤歲寒霜後色益見老標殊

聞石仲綠登鬢髮山賦贈

昔生龍見德時驅虎耽雄創業寧寰內會朝歸海東
既從周盛典旁取漢餘風上帝分宗祀三王讓聖功
聞藏橋隴鳥悲墮鼎湖弓日嶽鍾靈秀神蹤託鬱蔥
長陵高不及清廟肅應同天造因盤石鬼工揚闕宮
山河佳氣重郊甸瑞雲通勝地行堪探幽人興匪窮
壯遊禹穴際回望蒼梧中途路今無畏猶知恩澤隆

送雲察師還奧州郡山

應愛從鷗鳥重還海上東只堪飛一錫無待御長風

歸到山河靜經行泉石同縱游方外遠寧忍世音空
吾道文章有君心色相通孤雲兼片月詩思不妨工

乙卯之冬猗蘭侯莊五松館側生靈芝賦此

奉賀

郊坰迴鳳藪谿壑蓄龍淵此處生神草由來異瑞煙
和蒸三秀色氣接五松前倚樹空承露臨巖似挹泉
晨昏紫澤潤咫尺彩雲懸何必銅池上不須玄圃田
休祥王者化贊育我公賢庶績方無事豐穰已有年
退朝移革履之館展瓊筵堪養茹芝老非求避穀僊

頌聲歌誦入，賀客酒杯傳。共醉清風德，還羞穆若篇。

三日墨水泛舟

江湖空濶境，清朗永和年。詎識流觴酒，還浮繫纜船。
潮波停午日，野岸倚春天。花送金龍樹，津開白馬煙。
詠風狂士醉，媚景美人憐。一曲新歌艷，兩頭甘味鮮。
詩成仍舉白，談出轉超玄。不但山陰會，應兼洛水傳。

南郭先生文集二編卷之三

南郭先生文集二編卷之四

平安

服元喬子遷著

東都

源君嶽

輯校

七言律

呈參政西臺滕公二首

西臺入領漢司空，共識聖朝賢路通。四海文章誰建
策，百年禮樂待成功。明堂五等班，侯伯開府三台副。
相公衮職從來供，補闕頌歌期與仲山同。
廟堂才器屬文明，千載風雲自盛名。列國王官周鄭

武大臣經術漢玄成紫宮宜見緇衣色黃閣堪聞革履聲誰料退朝勞吐握更開杯酒接鰕生

同子和過歸德

傲吏江居墨水，流草深無掃，使人求始知仲舉能連榻。應為林宗更共舟，牛渚波侵杯上色。龍山影入檻中秋，總緣推愛相容切。漫據高樓回白頭。

聞江山人再歸嵐山賦寄

重攀丘壑長藤蘿，亦識明時雨露多。南國棠梨應入詠，西山薇蕨未須歌。天晴獨鳥歸雄嶽，影動孤雲度

大河，猶謂魯連堪解難，即今高枕意如何。

寄憶西京于士朗

西京宮闕壯玲瓏，氣象相干賦更工。白日天回懸嶽色，青雲春到滿關中。五陵裘馬誰爭長，二陸文章獨自雄。不厭釣鼈千里興，重求東海一漁翁。

豐州綾部君東也，有詩見投，余病不能和。今

年唯山生從其君東，乃致語戀戀，詎同故人

山生西歸託此奉寄。

別來西望素秋通，有客遙傳萬里風。臺起主恩延郭

隗學成邦俗化文翁豐城古劍搖龍氣滄海明珠開
蚌中歲歲朝宗青翰上幾時還侍鄂君東

中川舟中

江城東畔接潮流載酒浮槎八月秋雲樹依稀雙鳳
闕海天縹緲一漁舟正思羹膾張翰興未擬功名范
蠡憂帆入中川蘆荻裡人希地僻不驚鷗

冬初同徂來先生宴尾大夫鈴公宅得楓字
滿園嘉樹靄丹楓肯許詩成同角弓縫掖先生殊客
席羔裘卿相自公宮赤城日動孤霞落白馬雲停匹

練通向晚不妨堂上冷絃歌勸醉入天風

縣次公泛舟宴徂來先生同賦得秋字

蘭槳回旋墨水清流清風落日繫江頭海崖潮裂三義
湧橋上虹吞二國浮杯酒月來迎望夜絃歌雲駐入
涼秋誰知俱是龍門客縹緲偏同僊侶舟

滕侯南莊五松館

侯家別業古松林風韻兼聽臺上琴僊鼎脂經千歲
落龍鱗影動五株深棟梁已入丁公夢丘壑猶存謝
傅心看駐山中霜後色時迎劍舄更陰陰

送岡仲錫之常陽

聞說今朝東縹緲，宦遊才子入常陽。
儒冠色自中原映，旅服秋連東海長。
經術雄藩開館閣，家聲博物有輝光。
從來魯地諸生滿，爲喜絃歌日上堂。

早春

城邊肥馬轉鳴珂，紫陌紅塵何處過。
老去青樽仍病酒，春寒白雪動悲歌。
幾年懷舊西京賦，萬里隨流東海波。
獨見衡門催草樹，故園梅柳近如何。

高樓

高樓一望久遲遲，雲外鄉關處處疑。
縱使遠山青似黛，還應大道直如絲。
天涯遼落誰相問，世路艱難老自知。
客地風光休照眼，春來花鳥不勝悲。

東郊春興

東郊烟樹萬人家，啼鳥垂楊春水涯。
地坼中川通邑屋，天開大海弄雲霞。
自憐瘦馬從肥馬，時見新花奪舊花。
歸路習池齊酌酒，還應不笑接羅斜。

五日集懷僊閣二首

牆東避世着烏紗，雲裡樓臺傲吏家。
懸縷清門傳五

彩垂珠嘉樹對二花漢廷日月通僊掌晉代風流駐
客車續命還應長不死逢君那問十洲遐
五月榴花長命杯同人永日此徘徊城邊僊閣青雲
合邨上神門紫氣來道德堪論周室史陸沈齊數漢
家才興酣忘却風塵色疑是壺中天地闕

送松子潤歸江州

歸鞍好去帝州東江國乾坤滿眼中石鏡山頭明月
樹琵琶海上妙音宮應遊雲夢聽秋雨更侍蘭臺賦
晚風相憶時看湖雁落封書或自天涯通

鎌倉懷古七首

維昔奔鯨曝海崎君王高枕付戎衣中原寶鼎無輕
重御府彤弓有是非一自黎民歸將略遂令赤子弄
兵機鎌倉不必山河固試上丘墟對落暉
相中弔古此盤旋霸主樓臺建久年雄略不終三世
幕遠圖唯有八州船馬空窟裡留寒影鶴去岡頭入
晚烟行到琵琶橋上望依然海嶽媚春天
高臺昔日散黃金入幕賓僚滑水潺朽骨人傳豺虎
亂舊丘僧守歲時心羣山草木隨榮瘁大海波濤變

古今漁父樵童歌未畢，然不啻雍門琴。

源氏山邊落日頭，當年形勝罷貔貅。月溪無復持弓矢，星井何須辨斗牛。多少旌門烏鳥晚，南東農畝麥華秋。野翁猶自迎人說，指點徒教客子愁。

闔國相山碧海通，披圖感慨古今同。蕭牆兩闕人爲虎，雞夜三司牝作雄。社稷頻移盟主地，壇場無恙應神宮。營丘元自稱侯伯，誰料終歸田氏功。

百年挾主據鎌臺，大盜并存仁義才。後苑宴酣天狗舞，前庭鬪罷旅獒來。一朝膏血沾青草，九世城池委

赤仄寶戒寺邊松栢裡，風含鐘磬至今哀。

元弘天子動龍顏，相地攙槍墜此間。玉几終歸憑北極，翠華忽聽狩南山。莫言海外夷無守，應爲京師朔不頒。誰識文王今日政，農桑四布闢郊關。

遊江島

妙音孤島對天居，危木懸崖萬丈餘。臨海斷碑秦代字，轉沙比目越王魚。潮來巖穴龍蛇走，珠散風濤蜃蛤虛。白日青雲溟色盡，乘舟欲問十洲墟。

遙同田望之失鶴，因有感。

僊禽不爲養籠留，霄漢翻成何處求。
素影高尋崑嶽樹，白雲空住武昌樓。
由來恨傍鷄羣立，終是憐從鳳侶遊。
霜色只餘雙鬢似，西看江海日回頭。

遙題觀海亭，亭在筑前大夫吉田君家園二

首

筑海傳聞都府樓，鎮城今代屬諸侯。
大夫興挂登亭色，小苑情臨闔國秋。
波浪西含渤海氣，風雲北盡蜻蜒洲。
遙知江嶽封疆勝，優渥偏供退食遊。

大國家園臨海天，上隣平仲相齊年。
白沙縹緲神僊

宅藍島留連，胡客船檻外雲迎。
鵬際動窻中，日並蜃樓懸。
此亭聞說難爲水，何用滄浪漁父篇。

答高子式秋日見寄二首，高前遭失恃之變

登樓深愧仲宣才，驚我眞成華髮催。
且對江流嗟逝者，堪迎楚色賦悲哉。
交遊情動浮雲散，搖落秋傷老樹摧。
因憶萱洲萱草晚，劬勞今日爲君哀。

何處淒風落碧梧，誰憐夜月對君孤。
失明發憤春秋傳，恣外探玄象罔珠。
抱病不妨耽翰墨，上居寧更問江湖。
詩成時有山河感，寄到黃公舊酒徒。

送納子美之備中巡邑政

西征萬里戒行徒，跋涉看勞許大夫。俱帶腰間秋水劍，堪探海上夜光珠。豐饒故郡分疆事，吉備中山入地圖。去矣何憂于役，日舟車自出二都途。

宕山望海二首

宕山高倚勝軍宮，晴日登臨積水東。江樹千重連闕下，海雲一半傍城中。祇憐精衛仍含木，誰識鵬鯤忽擊風。羞殺魚鹽都會地，治生無似陶朱公。

昔傳寰外有方壺，今見三山入地圖。貫月乘槎銀漢

接浮鰲，開戶玉樓殊。城雲日對扶桑動，嶽雪晴臨溟渤。孤時聽僊遊，瀕海殿魚臺。應獻夜光珠。

至日偶作

三秀靈芝芝水隈，終年採盡意悠哉。江山短景隨南至，雨雪長風從北來。雄志千秋唯撫枕，高歌一曲且登臺。此間縱有充饑渴，皓髮蕭蕭坐自哀。

和高翼之雪中見寄

白雪從來歌者稀，看君此曲鬪霏霏。瓊華忽自西山落，玉屑猶繞東郭飛。只覺吾家開夜帙，不知何客點

朝衣城頭，年少休相訝。今日偏稱攜手歸。

春日奉憶芙蓉萬公

咫尺香臺望自勞，歲回時更隔塵囂。即知定裡翻新
譯，無恙禪餘弄舊毫。隱几寶林通地籟，獻珠滄海亂
春濤。想君初日芙蓉色，坐對西山白雪高。

春日郊行

步出東門，春色開鳳城。芳甸五雲隈，誰家踏草驂。驄
馬幾處看花，鸚鵡杯羽獵南山。通御道，僊遊上苑繞
靈臺。相逢借問，蕩蕩者莫是文王園裡來。

筑前致仕大夫實養郡君七十初度嗣大夫
君見徵壽詩，國內有千歲松林，蓋古名勝云
遙題二首，因代稱觴之詞。

千歲松林海，一隅蒼烟久。據九州圖，即今魯頌。朋三
壽自古秦封列，大夫幹傍青雲多。雨露條迎白鶴起，
笙竽本枝縱有相承茂。更倚梁材，奉國都
雄鎮。遙含海外春，萬松龍動自威神。千年流液藏函
地，十里盤根築石濱。枝老喬林知故國，詩成賞樹對
嘉賓。子孫開宴繁陰色，坐映蒼顏服食人。

水樓避暑得深字

江樓落日此披襟，避暑銜杯倚百尋。
萬里芙蓉留雪起，三橋波浪動潮深。
引風不賦蘭臺夢，迎月偏憐蒼海心。
乘興相過誰氏子，扁舟夜色上山陰。

季夏送土伯擘歸豐城

豐城紫氣在邊隅，迥望嗟君勞宦途。
東嶽雪消鞍馬過，西溟秋早布帆孤。
故人海內多離別，知己天涯定有無。
唯待瓜期看再熟，鵬飛六月到茲都。

早秋送客

送爾郊關總地殊，葛西東去接江湖。
化龍陂上迎僊子，勝鹿祠前弔氏胡。
海畔盡時觀日早，天涯濶處對雲孤。
旅魂恐易驚搖落，莫使秋風遍客途。

芙蓉軒席上得香字賦呈萬公

空山遁跡謝津梁，攜客同憐白日長。
詩對袈裟還似幻，詠歸鄒魯不妨狂。
船懸大海浮杯色，花送諸天異樹香。
稍覺風塵心事淨，濯纓何必向滄浪。

登總州國府臺是里見氏亾處又有氏胡祠

二首

弔古躋攀萬里開，孤村高壘大江隈。
氏胡祠傍紅花近，刀襴川緣赤壁來。
千載香魂空有曲，三軍黃土此登臺。
抽琴命酒歌回首，憶昔蕪城作賦才。

總房專據舊關城，相海揚來波浪聲。
江漢為池人寂寞，兵戈何地虎縱橫。
曾生戎馬紛雄視，終放耕牛歸武成。
喜遇周家新日月，桃林春色自鮮明。

清泰菊公至自峽尋歸因和見示作奉送

怡悅相看即別筵，送君聊和白雲篇。
留經佛嶺東關盡，旋鉢龍河八嶽懸。
國想蠶叢開蜀日，境知雞犬避秦年。

山中歸對桃花咲，肯望武陵偏各天。

嚮與諸子遊芙蓉，軒至今悵戀雅興。
忽得萬尊者見，示亦眷前遇，因和却寄。

憶昨登廬對磬歡，春風忽隔雨花壇。
芙蓉白雪還君倚，江海蒼烟入夢看。
幽谷為憐黃鳥侶，新詩更墜碧雲端。
相攜仍許銜甘露，共欲重勞香積餐。

子和望嶽亭集

登亭昨日過風雷，留客爭高百尺臺。
豪氣相看淮海士，賞心難遇弟兄盃。
中原色倚青雲起，大嶽天懸白

雪開共謂絕交書近就應憐命駕呂安來

送天子復還溝枋

歸程直指五雲端關內封疆行不難地輔南畿通大
阪天朝北斗入長安終年高閣彈琴坐爽氣名山拄
笏看到日絃歌仍舊俗何妨卧理且加餐

送人遊奧州二首

遠遊詞賦哀王孫近更迴車擬北轅蒼海霞揚連島
嶼白河秋早入關門誰家香草餘荒沼幾處寒松迷
舊原憶昔郎臺探勝使至今應有未招魂

封疆盤錯滿遼州壯觀留連海上遊肅慎風雲來隼
羽朔方芟牧饒驛驢掌中神嶽金銀樹客裡僊臺十
二樓古昔王師勞戰地試看同軌服諸侯

新晴小集得高字

故人豪興愛持螯初夏新晴命酌醪丘壑心緣詩酒
洩佯狂態似隱淪高解顏借色開山樹極目登樓入
海濤睥睨休嫌城郭近風塵未必到蓬蒿

遊牛頭寺

門外長堤墨水流江東寶樹倚牛頭金龍閣閣誰家

南齊集二編 卷之四
十一
宴玉女凌波何處遊藏怪舟搖潮岸繫忘機鳥下晚
洲浮到來心地應空濶那更風烟起客愁

金川驛送別

出餞西看山上山銜杯爲問大刀鐮蒼波欲涌金川
海紫氣遙懸玉筍關遊子浮雲遲暮淚故人衰鬢別
離顏驛亭不解銷魂色征馬翩翩送往還

送石仲綠還筑波田廬

憐爾青青客子矜妙年歸住築波陰中原罷去游梁
賦大嶽登臨小魯心曝麥坐來時雨度帶經耕處午

雲深主人一送相思否勸酒聊歌東武吟

十四夜月

城頭歡宴開前夜天上盈虛近中秋錦瑟宿張催北
雁桂樽先發倚南樓素顏未展嫦娥瘦紈扇將裁霜
雪愁縱是清光還惜色偏持滿酌爲君酬

九日

樗散偏拚霜鬢催還驚佳節復登臺悲秋搖落風前
下揚目山河客裡開萬事祇憐黃菊色百年都醉濁
醪杯眼中獨有鄉關處天末浮雲重自哀

赤羽新歲作二首

丹鳳城南赤羽濱，郊天晴近五雲新。
芝山樹擁銀臺色，麻谷流侵碧海春。
客裡攜家羞白髮，人間上地避紅塵。
少年車馬休相污，沐罷聊裁頭上巾。

新上幽居對醉顏，春風仍舊入江關。
時平不必論浮海，人老祇應似買山。
客指門前移柳地，鳥窺簷外待花間。
共言拙者圖家政，總爲鄉園未可還。

赤羽新居春集

客至階前苔色分，攜來佳氣坐氤氳。
聽禽堪自呼吾

友，傍竹能無憐。此君交態時看朱羽水詩篇，春繡紫芝雲。老夫病懶貪閑處，又恐祇緣諸子聞。

上巳同游玉川

郊外長川玉作洲，一觴行樂此相求。
舞雩春服桃花水，修禊詩篇竹葉流。
拾翠路隨平野合，尋芳樹傍遠村幽。
攜來洛下諸名士，莫是明朝問昨游。

三河尾見君即仲綠之翁有詩見寄

三河城闕古行宮，濟濟多才誰更雄。
海上鴻書飛帛色，山邊鳳翼靄雲中。
方知禮法容狂籍，不但風流得

阿戎聞說大夫今告老何妨疆外出關東

得僊臺源子敬詩其翁書副焉始通也乃審
翁嘗與來翁春叟周旋即護園集所稱子嚴
先生者也因和其詩寄答子敬

紫府僊臺珠樹花暗投無惜自天涯人間久隔三山
路海上翻來八月槎敢比龍門高一世方驚孔氏本
通家妙齡知爾紅顏子相照還羞鬢已華

酬築波石生見寄

行樂人生鬢未疎知君種豆故田廬十年白馬蹄前

草今日青牛角上書海岱浮雲隨尺素武昌明月對
雙魚徒餘起雨名山色時復東來盈太虛

送山功二子還湖中

歸藩金節映山河並駕從行白玉珂到日欲吞雲夢
澤迎秋且望洞庭波高張絃管湖邊樂相和陽春郢
國歌二子乘舟回首處清風朗月不勝多

送東伯通歸岡崎

錦綉追陪五驢驢三河歸客有輝光八公久讓淮南
術大藥應傳海上方龍躍風雲懸舊色鳳來山嶽映

朝陽兼將筆札驚鄉國不獨君卿家世良

登海上樓值雷雨

午色炎雲蒸氣高海門攜酒避煩囂短歌伏櫪心還
壯酣醉登樓人自豪雷走龍鱗開烈缺雨連鯨背捲
風濤乾坤一洗飛揚甚欲擊南溟假羽毛

早秋小集

赤羽橋東挂彩虹披襟共對夕陽紅雨餘積翠江山
外涼後高雲杯酒中纔爲園林收暑色未緣搖落恨
秋風可無窮巷聊稱快不是蘭臺賦自雄

小集有懷瀧彌八遊西京

日下青雲傍帝闈誰憐紫氣滯關門大風東海知詩
美萬古西周問禮存奮翼孤鴻思碣石垂鞭匹馬遍
中原停杯此夕齊回首爲爾翻銷客裡魂

哭平子和三首

日月相思醉竹林駕來悲遇素牀琴祇言酒德醒堪
解豈謂文園渴已深生死仍遊天地外篇章尚見古
今心玉山忽崩長無色哭向窮途淚滿襟

望嶽樓居海上僊人間再上渺蒼煙金華白石羊安

在蒿里靈車馬不前明月暗投雙淚夢夜臺永訣九重泉無由鄒律吹陽返更憶燕門擁篲年傷君高志竟難酬一鶚雲霄何處求狂客空留鸚鵡賦醉鄉曾典鸚鵡裘想來海內風流盡泣罷天邊草木愁楚色魂兮招不得還教宋玉轉悲秋

中秋值新晴

懸露玲瓏玉樹開樓前相照夜光杯中秋有月人須醉今雨乘晴客自來夢斷襄王空楚色糝成佚女上瑤臺因君此夕憐良會鐘漏天明莫謾催

送藤貞卿還長府

季子貂裘歸路新三年不負遠游身百金莫道屠龍技千里寧無相馬人勸酒杯寒朱羽水加餐書潤赤關濱看君猶壯乘風志未厭重揚東海塵

送人遊浪華

浪華千里冠南遊送爾遙思澗水流地比金陵餘王氣天分玉帳衛皇州吳中桃葉因歌豔江上梅花入笛愁更是停橈風月夜鎮西應遇謝公舟

夢遊富嶽二首

維嶽崢嶸鎮大東，三峯玉削俯寰中。壯遊未遂從司馬，夢想偏應似興公。冰雪曉侵姑射，上羽裳宵冷廣寒宮。飄然自賦凌雲氣，天路非關金掌工。萬仞神山登不難，誰知華胥一時看。浴池似撐芙蓉色，屑雪猶含沆瀣餐。影犯星躔，河漢逼雲垂。鵬翼海溟寒，由來能更通呼吸。廣樂寧無陪帝籟。

醫官梅塢數先生壽詞應津宗榮請

尚藥衣冠侍從臣，青雲開宴共朝賓。僊盤近望金莖露，禁籞分嘗玉食珍。肘後竒方家自舊，身中五色日

應新千秋附鳳遊，天府稱壽何須地上人。

題烏歸德芙蓉樓藏 賜書

金門方朔受恩還，不問太官餐未頽。朝退蘭臺攜賜籍，家藏紺帙對名山。芙蓉特起青雲雪，玉筍兼含紫氣關。樓上著書堪寓隱，從他拄下老紅顏。

飲鶴樓主人得西字

市朝尋隱此相攜，不比桃源使客迷。天指高樓黃鶴舞，傍臨大道紫駟嘶。彩雲虹度連橋北，白日晴分敞闕西。誰識壺公無盡酒，僊家容坐醉如泥。

旅懷

橋邊赤水海潮通，垂釣蕭條白髮翁。
鷗鳥亦應馴歲月，鱸魚原自足秋風。
一杯酒態浮雲外，萬里鄉心落日中。
莫問步兵身後計，回頭久已客江東。

九日訪隱者

林壑迢遙洞口流，山中雞犬白雲秋。
登高嘯起蘓門色，招隱吟來剡曲舟。
酒裡黃花應有趣，人間華髮暫忘憂。
欲眠君且休，催去佳節明朝不可求。

秋暮上金龍山

僊跡祠壇落日浮，金龍降飲大江流。
章臺柳住長堤色，玉樹霜分兩岸秋。
鼓瑟兼含鴻雁渚，吹簫別起鳳凰樓。
始知天上憐秦匹，不似人間對楚愁。

神門懷僊閣集

高樓把酒俯中原，僊侶相將此避喧。
喧承露金莖分御樹，凌雲絳闕近天闈。
元知隱吏兼丹竈，更見郎星列紫垣。
今日看君堪玩世，冠纓何用掛神門。

郊行值雪寄友人莊

郊天回首暗關城，野樹憑凌雨雪聲。
誰為北風求好

我自憐東郭似先生飛來鶴亂披裘色欲化龍隨曳
杖行夜照縱乘尋戴興路迷難訪卧廬情

歲晚草堂集

白屋蕭然舊鷓冠朋來復惜歲年闌後凋唯有孤松
老逢暮那堪小草寒酒愛交情杯不冷歌憐和者雪
相看春風記取門前柳黃鳥求時更罄歡

城門春望

藩邦玉帛此朝宗關險何須百二重四海道通含勃
澗中原嶽秀有芙蓉城池日暖晴雲迥邸第春分淑

景從回望鬱蔥佳氣裡車如流水馬如龍

酬林伯古之駿州見貽

名山高並鎮城懸相照威靈咫尺天萬古雲霄看白
雪四方寒影落蒼煙駿臺不獨燕王霸麟閣應傳漢
代賢仰止知君依絕調客歌誰和郢中篇

日本橋雨中春望

蒼龍闕下大橋隈回望雲間佳氣來萬戶陽春沾雨
澤千門車馬泥塵埃御溝水碧搖江閣上苑花紅壓
郵臺多少升僊題柱客只今應有賦都才

西華集二編 卷之四 十一
送人遊相中

霸跡山川經略勞，鎌倉客路自蓬蒿。將門三世荒臺月，戎馬千年大海濤。劍氣偏隨星井沒，笙聲空過鶴陵高。壯遊知爾因懷古，慷慨談兵攬佩刀。

東都丹羽公壽歌

二本松江大夫見徵

清門聞說會羣公，鳴鳳朝陽五彩同。絳闕春濃珠樹色，瓊杯影映紫霞中。南山不但稱三壽，東海兼知送大風。歌罷何須招隱士，王孫詞賦總應工。

秋日寄懷田彥愛前已謫去常州時闕面別

離筵未敢上江臺，何事扁舟忽已迴。曾謂風流吳膾興，誰知搖落楚臣哀。登臨草木秋應遍，悵望關山雁自來。回首天高懸白日，浮雲早晚爲君開。

題諸葛武侯圖

憶昔風雲繞日飛，卧龍神變見餘威。霸功管樂成今古，雄視曹劉有是非。玉帳星留圖石墮，錦城旗傍落輝微。中興漢室三分地，猶使西王垂帝衣。

得瀧彌八書詩聞督鄉學作此却寄二首

馬融門下鄭康成，南郡還推第一名。蒼海珠連明月

出桂林枝傍大材生爲稱鄒魯多文學不惜絃歌化
武城何恨暫時留滯史執經論旨更縱橫
薄宦知君吏事閒蕭條孤館海雲間濤聲夜拂驪龍
窟風色秋驕赤馬關幾日重來游上國三年猶自憶
東山開緘相慰離羣嘆勿厭封書數往還

小集雪霽二首

草閣驚看瓊樹枝晴迴冰雪變園籬寒光轉切將凝
處月色堪添欲滿時座訝白龍銜玉燭歌知黃竹宴
瑤池謫來相遇諸僊客爲勸翩翩醉羽卮

聊隨地上惜年華投轄何妨白鹿車不羨廣寒依帝
坐且看清氣逼僊家樓臺月出人如玉詩賦風生筆
作花相照亦應無興盡休言乘雪醉歸遐

不訪萬公久矣頃因烏石生見示諸作賦此

奉憶

虎溪陪笑久無緣獨有雷生爲我傳歲杪知兼嵩少
雪人間苦憶匡廬煙禪心寂寞蓮華漏妙偈縱橫栢
樹篇會待柴桑扶脚疾一驚雲卧問諸天

歲杪送客歸省二首

業就分離宿昔歡東歸可惜漢丁寬一經湖海黃金
在孤劍關門紫氣寒纔後鄭家開臘酒好將萊舞及
春盤舊來瞻望鄉園道驅馬今朝去不難

玄冬古木路蕭森日月爭過客裡心不待雁鴻春渚
候只追烏鳥故林陰人重海驛流年盡親倚鄉閭落
照深語及舊盟壇上事遊方非是再難尋

遙同了願師詠琵琶湖

波濤并捲洞庭秋湖勢遙隨琵琶象浮淡海舊封丞相
地大都曾上帝王州當年張樂餘湘瑟明月開樽憶

庾樓誰更賦成吞夢澤名聲萬古欲爭流

人日草堂集

淑氣晴光赤水濱草堂人日傍陽春初年好引探春
客此日還從避世人過雁前山隨目送啼鶯幽谷與
心親濁醪且勸梅花發何似朱門剪綵新

近得湯之祥詩草開卷刮目未載春日即事
因和其作附還

泮宮三世鬱關西共道多才俊秀齊狂簡斐然超舊
俗文章卓爾入新題天池已待堪鵬擊阿閣何妨作

鳳樓況見氤氳春思發懸知桃李轉成蹊

答高子式見寄

詞客趨陪翰墨林喪明寧廢據梧吟西河夫子名應盛南郭先生隱轉深何足詩篇酬錦字但將閑事寓灰心好來猶欲聽天籟萬木秋高赤羽陰

備人雀部生以藩職攜其子至好詩遂欣東學竣役本在春期秋九月俄而歸不無悵恨因送其行爲慰

朱邸春華紫府東高秋復去向西風雲間相和憐鳴

鶴海上先羣送旅鴻老據征鞍心益壯行歸熟路興無窮遠遊且借名山助揮筆何憂賦味工

長安月

鐘漏千門夜欲闌萬家明月滿長安齊紈色傍西宮冷漢闕光依北斗寒雁度秋風催木葉砧高霜氣落雲端更知思婦樓臺上終夕關山帶淚看

冬初舟行遡墨水傲章劉體

郊天迥擁大江東秋盡寒流遡朔風牛渚月明聞玉笛龍山木落冷瑤宮扁舟湖海凌波色一曲滄浪鼓

柅中心事從來憐不繫水濱行欲問漁翁

管相祠二首

皇都大嶽自氤氲神降當年輔聖君誰辨南庭飛霹
靂仍朝北斗感風雲敵心難發金滕悔祀典還崇玉
冊勲冠帶儼然明德遠長令髦士仰斯文

千松佳氣鬱蔥然城北祠壇傍日邊終是民功齊社
稷豈唯王祭望山川一時文獻空經國萬古蘋蘩永
配天無奈宵衣有慙德至今猶憾中興年

小集子式不至有詩見寄懷因和却寄

誰家命駕駕鳳城東此處故人聊復同千里只言思叔
夜一時無那少車公停杯旅食慙南館攜手長歌望
北風聞說近來多賦雪何如授簡吹臺工

孤松臺避雨

雨來臺上避紛紛路倚孤松偃蓋分帝蹕末期秦代
樹神行近過漢陵雲潤停玉露繁陰冷晴到蒼煙落
日曛誰惜登高空作賦大夫非獨不封君

池田富春山人七十初度寄賀

長留紫氣滿西關道德書成日月閒直北京城通極

斗維南郊，甸繞名山。共言空谷人如玉，且想春風鬢未斑。邑里家家多美酒，應堪更勸百花間。

早秋江樓送別

潮勢秋生，月色新登樓。送客大江濱，無爲臨水沾衣。切莫厭乘風，勸酒頻別後。芙蓉難遺兩，他時鴻雁易愁人。羨魚尚未堪酬志，此地歸來有要津。

南郭先生文集二編卷之四

